

58

QUÆSTIO MEDICA,

*Cardinalitiis disputationibus manè discutienda in Scholis
Medicorum, die Jovis decimâ-nonâ Martii 1711.*

M. MICHAËLE PICHONNAT,
Doctore Medico, Præsîde.

An Valetudo ad stateram æstimanda?

I.

CONSTANS Corporis solidorum fluidorumque concordia sanitas est, sociatâ hâc harmoniâ naturales perficiuntur functiones. Has inrer præcipuæ alimentorum Coctio, inutilium separatio. Nusquam magis vîget corpus, quàm cum opus illud ad stateram: hinc nihil aliud Medicina quàm adjectio & detractio. Coctio non una, tantæ molis est Corporis nutritio. Prima in Ventriculo Chylificatio; altera in Pulmone Hæmorrhagia; in magnis vasis Hæmatosis; in minimis Trophe seu Nutritio. Tot indicia conversi in varium liquorem alimenti, quot vocabula. Chylum non conficit calor innatus, aut simplex vis coquens Stomacho insita; non dissolventia illa vulgare æmula; hæc aquam Stygiam procerdè redolent, eorum licet fautores prædicent acida, vel dilutè fassa. Nihil hîc quoque confert unus tunicarum Ventriculi motus, diaphragmatis ac Musculorum Abdominis compressione adjutus. Una, quæ liquor est universale menstruum participans, saliva Chylificatio perficit. Illa nobis etiam invitè hausta & in stomachum continenter depluens, partesque alimentorum reconditiores sensim sine sensu subiens, has absque tumultu ab invicem sejungit adjuvantibus, quæ in suis includit penetralibus, nitro salinis corpusculis; mediante quoque motu, quem à subtilioribus mutuatur aëreis particulis. Exiliores Ventriculi fibras dividere, corrodere, minusve digerere valet blandum istud & mite Nitro-salinum menstruum, quod vasa salivaria toto vitæ spatio nec corrodit, nec digerit. Sal illud in salivâ unde elicitur contentum, verum est menstruum universale, quodd ut corpora in suum ens redigit, sic alimenta in sua principia componentia valet redigere. Hâc igitur ratione alimenta convertuntur, in fluidum, quod è Ventriculo descendens Chymus vocatur, cujus prior adhuc pars à lacteis absorpta Chylus est. Hic per vias fatis notas in sinistram Axillarem & inde in venam cavam descendit, atque per Pulmonum arteriam ultimos Pulmonum subit recessus; in quibus secunda Coctio, hoc est Hæmorrhagia absolvitur.

PULMO folis est, quo flante ignis naturalis manet accensus, quo quiescente extinguitur; spiraculum quoque vitæ dicitur, quo diducto retinetur Anima, præcluso avolat. Duplicis generis vasa obtinet hoc viscus; aerea & sanguinea. Aerea sunt aspera Arteria ejusque propagines, quæ aerem inspiratione excipiunt; expiratione extrudunt. Sanguinea sunt Arteria & Vena Pulmonum. Illa sanguinem adhuc crudum per totam Pulmonum substantiam deferret; hæc eundem minus crudum ad Cor revehit. Alternatim intumescunt & desidunt perpetuè Pulmones. Hæc assiduâ motus reciprocatione sanguis ater teritur, digeritur, coquitur, nullo in vasa sanguinea dato aeris comœatu. Unam ad sanguinem terendum & coquendum vasorum sanguineorum pressionem facere satis monstrat aeris natura, Pulmonumque vesicularum configuratio. Aer tribus constat corpusculorum generibus. Alia, quæ subtilissima sunt & variæ figuræ, celerrimè moventur, & quoscumque meatus penetrant; altera, globulosa sunt & ad majorem motum disposita; tertia variè configurata sunt, ex diversis orta concretis. Primæ & secundæ harum particularum speciei fluiditas inest maxima; tertia vim habet elasticam; unitæ omnes gravitatem producant: Trachæarum seu Pulmonum vesiculæ sphæroides sunt. Hæc aeris compositione, hæc vesicularum figurâ sanguineorum fit compressio vasorum, in quibus tunditur & conteritur sanguis. Pectore scilicet costarum elatione, diaphragmatis depressione ampliato, aer suæ gravitatis pondere in Pulmones descendit, sui elateris vi sphæricas prorsus reddit vesículas, suâ tandè fluiditate statim ab hoc viscere avolans: tum desidunt Pulmones, vesiculæ coarctantur, quæ proximè vasa compriment: sic crudæ & nigre quæ per venam in Pulmonem delatæ fuerant particulæ, rubescere incipiunt, dum ad Cor rursus appulsæ, novo repetitoque tritui subjæctæ ultimum assequuntur rubedinis gradum; mox in magnis vasis tertiam recepturæ coctionem, quæ Hæmatosis est,

III.

HÆMATOSIS est actio qua sanguis generatur. Nomine sanguinis intelligitur fluidum intrâ totius corporis arterias & venas reconditum, illius massam ex quatuor tantoperè decantatis olim humoribus, bile, melancholiâ, sanguine propriè dicto, & pituitâ componi, veterum est opinio jam obsoleta. Nec magis aridet hanc principiis Chymicis constare, spiritu, sulphure, sale, aquâ & terrâ; quæ licet ex omnibus extrahantur mixtis, fucata haberi possunt: num enim violentia ignis facies rerum non pervertit? Num artis opus ab operibus naturæ non differt? Duplicem massam sanguineam genuinam habet partem: unam rubram quæ grumus sanguinis vocatur, globulis Constans inrer se ita dispositis ut lumen ab ipsorum congerie reflexum, colorem rubrum exhibeat; alteram serosam quæ Lympha dicitur, & præter excrementa corpori vel inutilia, vel utilia, nutritiam quoque

continet gelatinam. Hæ sanguinis partes in Pulmonibus crudæ adhuc sunt, in corde & arteriis matureſcunt; leviter nimirum in Pulmonibus, in corde & arteriis fortius teruntur. In his sanguinis quoque motum adiutorem habent, ut tritus iste, tum cordis & arteriarum, tum sanguinis motu absolvatur. Dùm sic teritur sanguis, defæcatur cùm excernenda excludat, puriorque sic & lymphidior evadat lymphæ, partibus nutriendis tunc solum apta. Hinc quarta Coctio seu nutritio nascitur: illa hæmatoseos perfectio est & appositio particularum nutritiarum, quæ correspondeant vacuis à quibus similes particulæ illa spatiola prius adimplentes avolarunt. Harum coctionum perfectio sanitatem conservat, defectus labefactat: sed illa perfectio, hic defectus cognoscuntur faciliè, si Valetudo, seu hominis status ad stateram æstimeretur. Hinc non absurdè Sanctorius: *si à somno corpus redeat ad consuetum pondus, absque omni sensu molestiæ bonum, signum enim est perfectæ concoctionis; si verò cum molestiâ, malum.* Ille aphorismus explicatur proximè sequenti, confirmaturque hocce altero: *reditus ad consuetam gravitatem crudorum succorum additamento est malus; coctionum verò, est saluberrimus.*

IV.

HISCE coctionibus ritè præparatis, sanitas diù conservatur integra, modò excrementa ab illis residua & producta, vel statis temporibus, vel jugiter secernantur, ab interioribus excludantur, propellanturque foras. Scelus Valetudo à statu naturali deſectit, multa interveniunt mala, infarctus in vesiculis, in filtris impedimenta, in liquoribus corruptio & putredo; undè partium læsio, functionum imminutio, vel depravatio, viscerum languor, tonusve inversus. Hæc vitare nequis, nisi ad corporis pondus attendas; quò excretionis vitium, indèque sanitatis damnum significatur: corpus scilicet quinque vel sex dierum cursu si augetur, tunc non equidem statim, sed paulatim tollendum est. Quadruplex est excrementorum genus. Primum, crassum illud quod per alvum semel aut bis in die foras protruditur; secundum illud est, quod expiratione ejicitur; tertium est sputum, nariumque mucus, & urina; quartum denique est, materies insensilis transpirationis, quæ per corporis poros continenter avolat. Intestina sanguinis motio has promovet excretiones; ut enim in aquæ etiam limpide læto igne supposito superficie generatur; sic in calidi sanguinis superficie particulæ heterogeneæ natantes; propriis committuntur incerniculis forasque amandantur. Ablatis sic quæ excedunt, putus fit sanguis non aliter defæcandus, nec par futurus minimis subeundis vasis, deperditisque reparandis particulis. Hæ omnes perquam necessariæ sunt excretiones, sed inter ipsas præsertim ultima, quæ insignior & copiosior quinque octavas partes aufert. Ad hanc, Valetudinis perpendendæ causâ, animum seridò advertamus; ab illius retentione putredo, à suppressione mors evenit: statim si corpus examinaris, viderisque consuetum perspirabile retineri, & sudorem vel lotium per aliquot dies non facessere; inde cognosces retentum prænuntiare putredinem; *si sobrii & in victu temperati præmaturè moriantur, amici mirantur novitatem, quia de perspiratione insensibili nihil sciunt.* Hujus quarti coctionum excrementi retentionem unâ sta-

teræ viâ si non solum conjici, sed nosse est; huic uni ipsi quoque futura relinquitur certius præcavenda arcendave putredo.

V.

HÆC sunt recrementa, à quorum excretionē jucunda pendet vel incommoda Valetudo. Præcipuum rei caput insensilis est transpiratio, cui attentus maxime sit quicumque suæ sollicitus est sanitatis. Illius sola perspiratio longè plenior est, quàm omnium excretionum simul unitarum copia; per hanc unicâ die naturali tantum evacuat, quantum quindecim per alvum. Hinc tutius citiusve ex perspirationis alteratione, quàm ex læsis officiis prima cognoscuntur morborum semina. Ad hæc statim opprimenda conducit istæ cognitio, quæ quandò addendum, quandòve auferendum indicat. Stat enim firma Valetudo auræ mediocritate, quæ consistit in ad-dendis aut evacuandis, ut ipsemet pronuntiavit Hippocrates; *Morbos quicumque ex repletionē sunt, curat evacuatio; & qui ex inanitione, hos curat repletio.* Inde cognosces alimenti tibi salubrioris genus, illiusque, & aliarum rerum non naturalium modum: corpus quippe cùm statæ examini subjicies, perspirationis advertes quantitatem, corporisque pondus, quibus tanta stat firma & incorrupta Valetudo; quibusque si servantur, stabit. Nec malum timeas, si corpus gravioris reperiatur ponderis; imò ut bonum accipias, modò cum hoc pondere ad agendum sit alacritas. Notitiam convenientis tibi ponderis desideras? Hanc habebis normam, ut illud pondus salubre sit, quò dum acclivia ascendis, solitò leviorē te per sentis. Si revocato ad statæ legem corpore, num quid crassiorum excrementorum, quidve insensilis, quæ maximi est momenti, transpirationis retentum fuerit deprehendimus; si genus alimenti, ejusque, & aliorum quæ bonam tuentur Valetudinem modum cognoscamus; quid plura? si hæc observatâ lege, vacillantem firmare Valetudinem, amissam restituere, firmam præsentemque conservare faciliè possimus, vitamque in multos protendere annos, hæc certè aspernenda, vel respicienda non est, quin potiùs colenda nobis venit & amplectenda.

Ergò Valetudo ad statæram æstimanda.

Proponebat Parisiis ANTONIUS DE JUSSIEU Lugdunæus, in horto Regio Parisiensi Botanices Professor Regius
& Baccalaureus Medicus. A. R. S. H. 1711.

Apud viduam Francisci Muguet Typographi Regis & Facultatis Medicinæ
1711.